

TE HEHEHURAA API

I neia i te piha neneiraa na te Ekalesia a Iesu Mesia i te Feia
Mo'a i te Mau Mahana Hopea Nei i Papeete, Tahiti,
i te mau fenua Sotaiete, i te mau avae atoa
Te hoo e piti farane i te matahiti hoê.

Nu. 5.

Me 1930.

Mat. 24.

Te A'oraa Amuiraa no te Peresideniraa Matamua no te Ekalesia

Faaauhia ei reo Tahiti e Gihoti Borobiti raua o Viliamu

O MATOU, TE PERESIDFNIRAA MATAMUA O
TE EKALESIA A IESU MESIA I TE FEIA MO'A I TE
MAU MAHANA HOPEA NEI, I TO MATOU MAU TAE-
AE E TO MATOU MAU TUAHINE I TE MAU VAHI
ATO A O TEIE NEI AO:

I teie mahana, oia hoi, te hoé hanere ia matahiti mai
te faatiraa o te Ekalesia, te aroha atu nei matou ia outou,
e te pure atu nei matou ia vai te haamaitairaa o te Atua, to
tatou Metua, e te aroha o Iesu Mesia, to tatou Fatu, i nia
iho ia outou e a muri noa'tu.

Te haamata nei matou i ta matou parau ia outou na
roto i te irava parau tei papaihia i raro nei:

*"Inaha, o Vau ia Iesu Mesia, te Tamaiti o te Atua, o
Vau ia te maramarama e te ora o teie nei ao, i anaana mai
no te maramarama i te pouri, aita ra te pouri i farii atu"*

Mai ta Mose i faatia i te ophi i roto i te medebara, mai te reira atoa te Tamaiti a te Atua i faatiahia, ia riro ia e, o te faaroo Ia'na eita e pohe, e roaa ra te ora mure ore.

Te faatia nei te Ekalesia a Iesu Mesia i te Feia Moá i te mau Mahana Hopea Nei, na roto i te Peresideniraa, i te tiaraa o te mau parau faaitēhia i nia nei, e te ani atu nei te Ekalesia i te mau melo i te mau vahi atoa o te ao nei ia horoa i to ratou oraraa i te óhipa a te Fatu e i te faatiaraa o To'na Basileia i nia i te fenua nei.

Mai te matamua mai â, i tera taime e i tera taime, ua faaite te Atua, to tatou Metua, na roto i To'na iho reo e na roto atoa i te reó o Ta'na mau peropheta, i To'na opuaraa ia tonono mai i To'na Tamaiti Fanautahi i raro i te fenua nei, e na roto Ia'na e To'na tiafaahouraa e ora te taata no roto mai i te utua no te pohe tei horoahia mai e Adamu, e na roto i te haapao-maitai-raa i te mau ture e te mau haapiiraa Ta'na i haapii mai, e faaorehia to tatou iho mau hara e e roaa mai te ora mure ore.

Na roto i te mau himene arue, ua faaite mai Davida i To'na haereraa mai. Ma te oaoa, ua hió Isaia i mua i te mahana ia faaite mai Iesu Ia'na iho i rotopu i te taata nei, e na roto i te ite ta te Metua i faaite ia Isaia, ua faaite mai oia i te huru no to Iesu poheraa e te mau mea te tupu i muri aé i To'na faatataororaa.

Noa'tu te farii-ore-raa-hia o Iesu, e Ta'na mau haapiiraa i tera ui a faaite ai Oia ia ratou i te ravea e ora'i, ua parau mai Oia e, e hoí mai Oia i te hoé tau i mua tei parahia te mau mahana hopea, e faatia faahou i Ta'na Ekalesia i nia i te fenua nei.

Ma te haehaa e ma te ite papu, te faaite atu nei matou i to te ao atoa nei, i te taeraa mai o te Metua e te Tamaiti ia Iosepha Semita i te matahiti 1820, ua haamatahia ia te tau rahi no te Evanelia, e tau maramarama no o mai i te

Atua ra tei haamaramarama i te manaó o te taata, ma te faarahiraa i te ite e te paari, O teie ia te hanahana o te Atua. Na roto i taua mau haamaitairaa, ua riro teie mau matahiti hoé hanere i mairi aé nei, ei tau hau ai i te maramarama i te mau tau atoa.

Te mau mea api tei itehia i teie mau matahiti mai te mau machine api, e te mau ravea api atoa o tei riro ei mana i nia i te mau mea natura no te tautururaa i te taata, ua riro ia ei mau mea maire o tei ore roa i manaóhia e te mau taata o tei ora i na matahiti hoé hanere i mairi aé nei.

I te matahiti 1830, ua varavara roa te mau haapiiraa, e aita e ravea no te pae rahi o te mau taata maori ra ia haapii rii ratou i roto i to ratou iho mau fare. Aita atu á mori maori ra te mau mori hinu. I teie nei ra, ua faatiahia te mau fare haapiiraa nehenehe roa, e ua rau te huru te mau tauturu maitai mai te buka, e te mau hohoá, e te mau oro-metua maitatai te huru, e ua mono mai ra te mori uira i te mori hinu.

Hoé hanere matahiti i mairi aé nei, ua tapu te mau taata faaapu i ta ratou titona ma te tipí. I teie nei ra, ua ravehia taua ohipa ra e te machine.

E hoé hanere matahiti i mairi aé nei, ua hamani te mau vahine i to ratou iho ahu e te ahu no to ratou iho utuafare na roto i te huruhuru mamoe. I teie nei ra, ua monohia te reira ohipa e te machine.

E hoé hanere matahiti i mairi aé nei, aita atu e ravea no te haereraa o te taata mai te hoé vahi atea i te tahi vahi atea, maori ra na nia i te pereoo puaahorofenua, e ia haere na nia i te moana, aita e ravea maori ra, na nia i te pahi taíe e te raau hoi. I teie nei, ua mono mai te pereoo uira i te pereoo puaahorofenua, e ua mono mai te pahi auahi, e te auri hoi, i te pahi taíe. Ua nehenehe i te mau taata ia tere na nia i teie mau pahi auahi mai te huru ua vai noa ra

ratou i nia i te fenua, no te mea, te vai nei te man haapao-raa'toa i nia i taua mau pahi ra. Te vai atoa te pereoo auahi, e te pahi reva, e te tahi atu â mau pereoo o tei ore roa i haamanaóhia hoê hanere matahiti i mairi aé nei.

E hoê hanere matahiti i mairi aé nei, aita i nehenehe i te hoê taata ia parau atu i tahi taata atea ê, maori ra na roto i te rata. I teie nei râ, te vai nei te parau niuniu, e te parau reva, e te radio, e na roto i teie mau ravea ua nehenehe i te hoê taata i te parau atu i te mau vahi atoa o teie nei ao.

Ia hió atu tatou i teie man mea api tei tupu i roto i teie na matahiti hoê hanere ra, e tupu iho â to tatou maire, e e haamanaó iho â i te parau papaihia o te na ô mai e, "*Tei ia oe, e Iehova, te rahi, e te mana, e te hanahana, e te pau, e te tura, to nia i te ra'i ra' e to nia i te fenua, na oe ana'e ia; tei ia oe te hau, e Iehova, o oe tei rahi i te mau mea atoa nei.*" (I Paraleipomeno 29:11)

TE EKALESIA

Mai te fanauraa o Iesu e tae noa'tu i To'na poheraa, ua hamani-ino-hia Oia e te mau huru taata atoa no te reira tau. Noa'tu te taime poto no To'na oraraa i nia i te fenua nei, e te mau tafifiraa tei tae i nia Ia'na, ua faatia iho â Oia i Ta'na Ekalesia. Ua maiti Oia i na Aposetolo hoé ahuru ma piti ra, e ua horoa Oia i te mana no te Autahu'araa ia ratou, ma te haapii papu atu ia ratou i te huru mau o te Ekalesia.

I muri aé i to Iesu poheraa, ua hamani-ino-hia te Ekalesia a Iesu e te mau arii o Roma. Ua tuuhia te tahi pae o te mau taata tei faaroo ia Iesu i roto i te aua puua taehae ei arearea no te mau taata, e ua taparahihia te tahi pae i te tipi, e ua pehahia te tahi pae i te ofai, e ua tutuihia te tahi pae i te auahi. E no reira ua tupu mau te parau i papai-

hia o tei na ô ra e, "*Eiaha roa outou e vare i te taata atoa; o te taiva te tupu na mua e tae ai i taua mahana ra, e e faa-itehia mai hoi taua taata hara ra, o te tamaiti o te pohe; o tei mârô mai e te faateitei roa ia'na iho, i te mau mea atoa i parauhia e, e Atua, e tei haamorihia ra; e ua parahi Atua noa mai oia i roto i te hiero o te Atua, i te faaite-hua-raa mai ia'na iho e, e Atua oia.*" (2 Tesalonia 2:3-4)

E no reira, ua vai noa te poiri i nia i te fenua nei e tae noa'tu i te matahiti 1820, e mai ta Ioane i parau i roto i te Apokalupo i te na ô raa e, "*Hi'o atura vau i te hoé melahi i te maueraa na ropu i te reva nei: ma te evanelia e tia i te vai-raa ra ei pororaa'tu i te feia e parahi i te ao nei ra, i te mau fenua atoa, e te mau opu atoa, e te mau reo atoa, e te mau nunua atoa.*" (Apokalupo 14:6)

Ua ite tatou na roto i te taióraa o te mau parau tuata-paparaa o teie nei ao, ua rave te Varua o te Atua i te ohipa i rotopu i te taata ma te faaineineraa i te tau no te faahoíraa mai o te Evanelia. Ua haamarnhia te aaui taata, e ua tia mai vetahi mau taata ma te patoi i te mau tapea tei tuuhia i nia i to te ao atoa nei e te Ekalesia Katolika Roma, e na roto i ta ratou ohipa, ua roaa faahou te tiamâ ia nehenene i te taata ia maiti i to'na iho haapaoraa.

E no reira, i te matahiti 1820 ua ineini to te ao nei, e ua parau faahou mai te Atua i te taata nei na roto i taua parau nehenene ra, "*Tau Tamaiti here teie, a faaroo Ia'na*".

Mai teie te tupuraa o teie nei parau. I to Iosepha Semita apiraa, ua haere oia i roto i te hoé uru raau, e tae a'era i te vahi i manaóhia, ua ite oia i te tahi vahi maitai, hi'o atura aore roa e taata i itehia e ana. Ei reira ua tuu ihora Iósepha i to'na turi i raro, e ua pure i te Atua ra. Aita i mahia te reira, ua tapea-roa-hia to'na arero e te hoé mana rahi hi'o-ore-hia; e ua haapoiri-roa-hia te mau mea atoa nei

ia'na, e ua manaó a'era oia e ua fatata oia i te pohe. Ua ite râ oia e, o te mana hoi teie no te varua ino; ei reira ua faaitoito hua, e ua tiaoro atu oia i te Atua ia faaora mai ia'na. Te pau noa ra to'na puai, e ua paruparu atoa to'na manaó, e inaha, ite atura oia i te hoé pou maramarama rahi o tei hau roa'tu i te anaana o te mahana i te avatea mau ra i te taeraa mai ia'na ra. Ei reira ua faarue ihora te arii mana no te poiri ia'na. Ite atura Iosepha i e toopiti pue taata, oia hoi te Atua Metua, e Ta'na ihora Tamaiti o Iesu Mesia, i roto i taua pou maramarama ra ma te anaana e te hanahana rahi roa faito ore, aita hoi e tia ia faaite atu i to Raua huru hanahana mau. I to Iosepha hi'oraa'tu e hohoá tia roa te tahi no te tahi, aita e huru-ê-raa e vahi iti noa'e; e to raua anaana, e te mana hoi, ua faito-atoa-hia ia. Teie râ, ua parau mai te tahi, na ô maira, "E Iosepha, tau tamaiti here teie, a faaroo ia'na."

I to Paulo taeraa i mua i te aro o te Arii, o Ageripa, e o Phesito, te auvaha ture no Roma, ua parau oia e, ua tia faahou Iesu mai te pohe mai. I reira, ua parau atu Phesito ia'na i te na ôraa e, "E Paulo, ua aoaoahia oe, ua maamaahia oe i te imi rahi i te parau". Ua pahono ra Paulo e, "Aore au i maamaahia, e Phesito tuiroo e; o te parau mau râ ta'u e parau nei e te aoaoa ore".

Mai te reira atoa te mau haamani-ino-raa téi tae i nia ia Iosepha Semita a parau ai oia e, ua ite oia i te hoé orama, no te mea, e tamaiti api roa oia, e ua manaó te mau taata, ua maamaahia oia, e ua hamani-ino noa ratou ia'na e tae noa'tu i to'na poheraa. Area ra, ua faaoti oia i ta'na ohipa na mua.

Mai ia Paulo te huru, ua tamau atoa Iosepha Semita i ta'na parau, oia hoi, ua ite oia i roto i te orama i te Metua e te Tamati, e ua faaroo oia i to Raua reó.

I te po 21 no Setepa i te matahiti 1823, hou to'na taoto-raa ua pure oia i te Atua ia faaore mai i ta'na mau hapa rii tia ore i ravehia e ana ra. Aore hoi i oti ta'na pure, ua haamata i hora te pōiri i roto i to'na piha i te pee, e ua monohia mai ia i te tahi maramarama anaana rahi, e i ropu a'e ra i te atura Iosepha i te hoé melahi. Mai teie te huru o taua melahi ra i ta Iosepha faaiteraa. Ua au oia i te tahi taata roa, e te tino huru rahi, e te mata purotu maitai ra. E ahu roa, e te teatea hoi to'na. E anaana'tura to'na mata, mai te uira ra. Tei roto oia i te fare i pihai iho i te roi o Iosepha, aore hoi to'na avae i tiaia noa'tu i te hoé mea, ua faaea oia i roto i te reva i nia i te tahua fare. Ua parau maira te melahi ia'na, na ô maira, "*Ovau o Moroni, i tonohia mai au no o mai i te Atua ra.*" E ua faaite mai oia ia Iosepha e, ua faaroohia ta'na pure, e ua faaorehia ta'na mau hapa rii i rave na, e te vai ra te tahi ohipa rahi ia'na. e i te raverāa i taua ohipa ra e riro to'na íoa i te paraubia no te maitai, e no te ino hoi i te mau opu atoa, e te mau reó atoa, e te mau nunaa atoa o te ao nei. E ua faaite atoa'tu oia ia Iosepha i te tahi mau api auro e vai nei i huna-êhia na e to'na iho rima i roto i te tahi aivi i fatata mai. O te papaa parau ia o tei ootihia i nia i taua mau api ra, no te feia tahito o tei parahi i nia i te fenua Amerika.

I te 23 no Setepa i te matahiti 1827, ua horoahia te mau api auro no te Buka a Moromona i roto i te rima o Iosepha Semita, e na roto i te mana i horoahia mai ia'na e te Atua, na iriti oia, i roto i te reó Baretane, i te mau parau ootihia i nia iho i taua mau api auro ra.

Aita te Buka a Moromona e faahapa nei i te Bibilia i te hoé vahiti ai. Ua riro ra, te tanturu rahi. I teie nei, ua vai te Buka a Moromona i mua i to te ao e hoé hanere matahiti, e noa'tu te imiraa o te mau taata paari i te mau faa-

haparaa, ua manuia ore ratou.

Te rave noa ra Iosepha Semita raua o Orive Taupere i te ohipa iritiraa parau o te Buka a Moromona. E i reira, oia hoi, i 15 no Me i te matahiti 1826; ua haere raua i te vahi uru raau e pure e e ani atu i te Atua i te auraa no te bapetizoraa ia matara te hara, no te mea hoi ua itehia re reira parau e raua a iriti noa'i raua i te parau no nia i te mau api auro.

A pure noa'i raua i te Atua inaha ua fâ maira te hoé melahi no te raí mai o Ioane Bapetizo to'na íoa, tei roto oia i te hoé ata maramarama i te taeraa mai, e ua tuu mai oia i to'na pue rima i nia iho i to raua na upoo, i te na ôraa mai e:

“I nia iho ia orua e ta'u na taeae tavini e, i te íoa o te Mesia, te tuu atu nei au i te Autahuáaraa o Aarona tei mau i te taviri o te melahi tavini ra e te taviri hoi o te Evanelia o te tatarahapa, e o te bapetizoraa utuhi ia matara te hara, e e ore e rave-ê-hia teie i te fenua nei e ia pupu faahou te tamarii tamaroa o Levi ra i te ô i te Atua ra ma te parau-tia.”

Ua faaite mai te melahi ia raua e, aore te mana i roto i te Autahuáaraa o Aarona no te tuuraa rima no te horoaraa i te Varua Maitai; area râ ua parau mai oia e noaa ia raua te reira mana a muri aé.

Ma teie nei faatoroaraa e te faahoíraa mai o te Autahararaa o Melahikezeda o tei horoahia mai mai te au i te parau i nia nei, ua tae mai te íraa o te mana o te Atua o tei moé mai te tau a te mau Aposetolo e tae roa mai i te matahiti 1829, e ua vai noa teie mana i roto i te Ekalesia mai te motu-ore-hia e tae roa mai i teie nei mahana

I te faahoíraa mai o te Autahuáaraa, ua iritihia te opani no te pororaa o te Evanelia, e ua tuuhia mai te mana no te raveraa o te mau oroá e te faatiaraa o te Ekalesia. No

reira, i te 6 no Eperela, hoé hanere matahiti i mairi aé nei mai teie mahana, ua haaputuputu Iosepha Semita e na taa-ta toopae, o tei farii i te Evanelia, i te fare no Petero Vitima, i te tufaa feuua Niu Ioka, i Amerika. I reira, ua haamaitai-hia te oroa, e ua faaotihia te mau ohipa no te faatiaraa o te Ekalesia.

I roto i te aóraa o Iesu i nia i te mouá, ua na ô mai oia e, "E ite outou ia ratou i to ratou hoturaa, no nia anei te vine i te tataramoa i te pafairaa mai; e te suke no nia anei i te motuu? E faahotu mai te raau maitatai atoa i te huero maitai, e te mau raau iino ra, e faahotu mai ia i te huero ino. E ore e tia i te raau maitai ia faahotu mai i te huero ino, e ore atoa te raau ino e faahotu mai i te huero maitai". Te ani atu nei matou i to te ao atoa nei ia hiópoa maitai ratou i ta matou mau ohipa tei ravehia mai te faatiaraa o te Ekalesia mai â.

I muri aé i to Iesu tia-faahou-raa, ua faaue Oia i Ta'na mau tavini ia poro haere ratou i te Evanelia i to te ao nei, e o tei faaroo e tei tatarahapa, a bapetizo ia ratou i te íoa o te Metua, e te Tamaiti, e te Varua Maitai.

Mai te reira atoa, ua tonohia te mau tavini o Iesu i teie anotau ma te afairaa i te mau paran oaoa no te Evanelia i te mau vahi o teie nei ao, e e rave rahi te mau feia tei farii i te Evanelia, e e rave rahi hoi tei tairuru i Ziona mai te au i te mau tohu o te mau Peropheta tahito.

Ua faatia-mau-hia te mouá ra o te fare o Iehova i nia i te tupuai mouá, e ua haere vetahi no te mau nunaa atoa i taua mouá ra. Na roto i te mau haamaitairaa o te Atua, ua ruperupe te medebara mai te rosi te huru, ua riro teie mau vahi moémoé ra e tiaraa no te mau oire nehenehe, e ua mono mai te mau himene e te hautiraa tamarii i te tai a te mau animala taehae.

E rave rahi te mau hiero i faatiahia, e ua ravehia te ohipa no te feia ora e tei pohe atoa hoi i roto ra.

Ia hiópoa maitai tatou i te haerea o te Ekalesia mai 'To'na haamataraa, e ite iho â tatou e, ua haamaitai-mauhia te Ekalesia a Iesu Mesia i te Feia Moá i te mau Mahana Hopea Nei e te rima o te Fatu, e tei Ia'na te hanahana e te tura e a muri noa'tu.

Te tiaturi nei matou i te mau mea te tupu i mua nei, mai tei tohuhia e te mau Peropheta tahito, e tei faaite atoa-hia na roto i te heheuraa api.

Ua na ô maira Iesu Mesia, to tatou Fatu, "Eiaha e manaó e i haere mai au e faaore i te ture e te mau peropheta; aore au i haere mai e faaore, e faatia râ, Oia mau ta'u e parau atu ia outou nei, e mou aé te raí e te fenua atoa, i te hoé iota e te hoé vahi iti o te ture nei, eita ia e mou e ia hope roa i te tupu."

Ua na ô maira Daniela, "Ia tae i te anotau o taua mau arii ra, e faatupu ai te Atua o te raí ra i te hoé basileia, o te ore roa ia e mou, e ore roa hoi e riro ia vetahi ê; e hope roa hoi taua mau basileia ra i te parari e e pau, e vai tera e a muri noa'tu".

Ua na ô mai Ioane pipi here, "E ite atura vau i te raí api e te fenua api; ua mou hoi tei mutaa iho raí, e tei mutaa ihora fenua; e aore aérea e miti. E ite atura hoi au, o Ioane, i te oire moá ra, ia Ierusalema api, i te pouraa mai mai o mai i te Atua i nia i te raí ra, ua faanehehehehia mai te vahine i faanehehehehia no te faaipoiporaa i ta'na tane ra. Ua faaroo atura vau i te hoé reó rahi no te raí maira, i te na ôraa mai e, "Inaha tei o te taata ra te sekené o te Atua, e e parahi oia i roto ia ratou ra, e ei taata ratou no'na, e ei pihai atoa iho te Atua ia ratou, ei Atua no ratou. E na te Atua e horoi i to ratou roimata atoa; e e ore roa te

pohe, e te oto, e te mihi, e te mauini, e ore atoa ia, no te mea ua mou te mau mea tahito ra".

E ua na ô maira Isaia, "Na'na e haava i roto i te mau etene, e e faataa i te parau i te taata atoa e rave rahi; e tiapai ratou i ta ratou oé ei auri arote, e ta ratou mau mahae ei tipi tope raau; e ore te hoé fenua i te e aa mai i te tahi fenua i te oé, e ore hoi ratou e haapii faahou i te tamai".

E no reira, te parau atu nei matou i te mau taeae e te mau tuahine, a faaafaro i to outou mau utuafare e a faa-ineine outou no te mau mea te rupu.

A haapae i te ino. A rave i te maitai. A tauturu i te feia mai, e te roohia i te ati. A haapao i to outou iho mau tino na roto i te haapaoraa i te mau parau paari tei tuhia mai. A haapee i ta outou mau tarahu i te Atua na roto i te au fauraa i te tufaa ahuru, e e haamaitaihia outou e e ite ai outou i ta outou mau hinaaro parau tia. A faaroo atoa i te mau parau a te mau tavini a te Atua, e a faatura ia ratou. A haapao i te mau ture a te Atua e te mau ture fenua hoi.

Te haamaitai nei matou i to te ao atoa nei, e te faaite papu nei matou e, te ora nei te Atua, e o Iesu Mesia ia To'na Tamaiti fanautahi, te faaora no te ao. Te titau nei matou i te mau taata atoa ia haere mai Ia'na ra, e na roto i To'na aroha, e roaa te ora mure ore e e tiaraa pihai iho Ia'na i roto i te Basileia o te Atua.

*Hebera Garanata
Anatoni Irvine
Tihare Nibele*

PARAU API NO TE PAE APATOA ROA

I te avaé Eperela nei ua tae mai na pahi e piti na te pae apatoa roa o teie nei ao. Ua faaea e piti taata na nia i tana na pahi ra i te fare Orometua i Papeete, e ua na

reira raua no te mea, na taata mâtau raua i te mau Orome-tua i te tau no Alama,

E rave rahite mau parau api ta raua i faaite mai ia matou no to raua tere i te vahi toetoe roa. E piti ahuru mahana ratou mai te fenua Niu Zirani e tae atu ai i te vahi ta ratou i faaea. A tae ai ratou i teie vahi aita ratou i farerei i te mau raau e te mau tiare mai ta tatou i mâtau nei. Aita hoé mea i reira maori ra te pape paari anei, aita e fenua, aita e ofai, te reira pape paari anaé.

Ua ite ratou i te hoé mau manu rii, aita i rahi roa, e te huru o teie manu aita to'na e pererau, haere noa oia na nia i to'na na avae mai te taata ruau te huru. Ta ratou ia maa o te mau i'a nainai i roto i te miti. Te vai nei te hoé mau ava i rotou i te pape paari e ua nehenehe i te mau pahi i te tere i roto i teie mau ava. Tei reira atoa te hoé mau i'a nainai e te hoé mau humi e e rave rahi te mau tohoro rahi.

E mea huru rahi te mau pahi ta ratou i farerei i reira o te imi i te tohoro no to'na hinu. Ua parauhia te tahi mau tohoro i te hoé hanere avae te roa e e hoé ahuru ma pae avae te aano, e na roto i te tohoro hoé e roaa ia ratou e hoé hanere bailo hinu. E mea titau-roa-hia to ratou hinu no te hamaniraa puá e te tahi mau huru hinu maa.

I to teie mau taata parahiraa i reira, aita ratou i patu i to ratou mau fare i nia i te fenua, no te mea aita roa e fenua, i nia râ te pape paari te paturaa, E te meumeu no taua pape paari ra, e piti hanere avae ia. Ua oomo ratou i te ahu mahanahana i reira e no te rahiraa o te ahu ua riro ratou mai te popo te huru, ua menemene roa ia.

E piti matahiti to ratou faaearea i reira e aita ratou i hió i te hoé mea maori ra i te pape paari anaé. Ua mau-ruuru roa ratou no te mea te hoí nei ratou i to ratou mau fetii.

M. Bonnet M. Gerant et Imprimeur,

Rue Brea et de la rue Dumont d'Urville, Orovini, Papeete

papa

raro
te m
atu

U

mau
hau.
peroraro
haap
ham
pu ia
ne m
a ra
Sari
ihora